

غيمة العصر

روحت غيمة العصر الثقيلة وراها
يتبع الريح ممشاها الثقيل وتطيعه
كل ما خلتها منا ومنا.. تباها
قلت ليت الطبيعة ترتوي بالطبيعة
في قفاها سواد الغيم يملا قفاها
وفي نحرها.. بياض الغيث يغري لميعه
مرت العصر.. واسراب البرد في حماها
ما يهاب السقوط من المزون الرفيعة
يلتوي في مثاني قطنها.. كل ماها
ما عطت من مطرها شي.. ولا تبيعه!
تستر الما.. عن عيون الظما في رداها
والثرى والضلوع الجرد.. رمضا وقبعة
كنها والمطر والريح في مستواها

تستطيع الجفا.. والوصل ما تستطيعه!
ينبت العشب في حررة مسایل حياها
يذكر الظامي الموعود حررة ربعة
قبل تدني حراويها.. ويسكر هواها
تترك اللي تبعتها في الفجوج الوسيعة
وقف المنتظر.. على وعد من عطاها
قالت: ان الوعد بكره.. ويمكن تبيعه!
بين ليلة معشاها.. وسكرة ضحاها
خلت المنتظر.. بين الرجا والقطيعة
من دروب الجنوب.. اللي بعيد مداها
جت تبل النظر والشعر.. واقفت سريعه.

فهد زيد